

Fatyienh Gyaeundei Gamjsouh Vuenyungz

发现美丽 感受幸福

——Doeg《Lwgvuengz Iq》Gamjsiengi

——读《小王子》有感

贵港市覃塘区蒙公镇高占小学四(2)班 Suh Munglingz/苏梦玲

Youq ndaw sujyay, gou caeuq daxmeh doxcaez doeg bonj saw《Lwgvuengz Iq》. Dou doengzcae ra raen haujlai gyaeundei, itheij sou ndaej vuenyungz rimradrad.

Dang dou doeg daengz: “Siengi daengz gij cingzgingj daengx gyoengq duzciengh gaet faexceizlingz, lwg-vuengz iq nyaenx mbouj ndaej riu ok sing lumj ngaenzlingz nei.” Daxmeh riu ok sing, de naeuz seiz lwgnyez mbouj miz gij gyaeundei neix, youq ndaw bonjsaw lwgvuengz iq hawj de bouj dauqma lo. Gou hix riu lo, lwgvuengz iq geijlai rox siengi, gawqyienz dwg gofaex hungsang lumj aen’gyaudangz nei, yienghde raeuz couh dawz gyoengq ciengh baenz duz baenz duz dieb hwnjdaeu! Baihnaj gou hix lumj okyienh cungj cingzgingj neix, dou cungj sing hung riu

hwnjdaeu! Haenx dwg ciengzmienh geijlai ndeiriu ha! Baenz gyoengq duzciengh hung duz dieb duz gaet faexceizlingz! Caen dahraix, lauxsae gangj gvaq, bonjsaw ndaej daiq dou bae lingh aen seiqgyaiq bw!

Dou doeg daengz: “Gyanghaet riengx bak swiq naj dajcang ndei le, itdingh sijsaeq baet aensinghiuz seuqsaw bae, aenqseiz bae ciemz faexceizlingz……” Lwgvuengz iq nyinhcaen dajleix aen singhiuz de, ciuqgoq vameizgveiq de, baetseuq byafeiz……Gij saeh neix gig mbwq, hoeng, de nyinhnyinh caencaen. Daxmeh gangj haenx dwg gyaez caeuq cwzyin.

“Mwngz ne?” Daxmeh yungh fwngz lumhlumh gyaeuj gou, gou nyinhcaen dwk ngaekngaek gyaeuj, baezlaeng gou itdingh aeu miz cwzyin,

gag bae guh hongranz.

Gou daegbied maij gawq vah ndaw bonjsaw, duz nyaenma gangj gvaq: “Danghnaeuz gou banringz seiq diemj cung ninz singj, yienghneix daj sam diemj hwnj, gou couh hainduj roxnyinh vuenyungz lo. Seizgan yied depgyawj, gou couh yied roxnyinh vuenyungz.” Gou lumj duz nyaenma ityienh, cungj dwg baenzneix maq-muengh vuenyungz, moix ngoenz deng haeuxcaeux rangfwdfwd haenx oenq singj, ngoenz gyaeundei ndeu hainduj lo! Gwn imq ndoet gaeuq, bae gyanghongh iq yawj vameizgveiq gou, byoz vameizgveiq cungj dwg duh gou. Gou rwed raemx hawj de, gaeb duz nonheu gwn mbaw oiq de bae. Gou siengi: Byoz vameizgveiq swheij hix lumj vameizgveiq lwgvuengz iq it-yienh, mbouj caeuq vunz doengz.



Daxmeh cix naeuz de cei q maij gij vah duz nyaenma gangj haenx: “Cijmiz yunghsim cij yawj ndaej cingcuj, aeu lwgda dwg yawj mbouj ndaej raen gij siengi ndawsim.” Dwg ha, lwgda dwg yawj mbouj raen ndawsim vunz.

《Lwgvuengz Iq》bonj saw neix daiq hawj gou caeuq daxmeh cungj dwg nditrongh, cungj dwg vuenyungz! (指导老师: 韦江萍)

Va·Goliux

花·柳树

Seizcin daeu lo, gou caeuq gyoengq doih youq baihrog guhcaemz, ndit raeujrub dak gwnz ndang dou, dujva unqnm hailangh. Gou naeuz: “Sou yawj vei, va hai ndaej geijlai gyaeundei ha!” Gyoengqdoih naeuz: “Dwg ha, mwngz yawj, va cungj dwg oiqupup ne.” Goliux ndawhongh cungj did ngaz lo. Gou sing hung hemq: “Sou vaiq di daeuq yawj, goliux geijlai unq geijlai gyaeundei ha!” Mwhde, miz boux doih he doeksat hemq: “Vaiq di daeuq yawj vei, vaiq di daeuq yawj vei! Baenzlawz lij miz go ndeu caengz did ngaz ne?” Gou naemj: Go liux neix dwg caj mwh ndit cei q haenq cei q raeuj cij did ngaz ba!

Gou caeuq gyoengqdoih laebdaeb youq gyang va homfwd buet ha buet ha, mbouj rox seizlawz mbwn laep lo, gou youq laj va laj goliux sij mbouj ndaej caeuq gyoengq doih doxbiek lo.

(Neimungzguj Cifungh Si Sunghsanh Gih Daihroek Siujyoz Vang Hwzcingz)



gojgaeq lwgnyez lienzdaeng·2



Buhvaq Siujvwnz bingzciengz daenj haenx, cungj dwg daxbuz daj ranz buznax vaq aeu. Ranz buznax miz daeg gobiuj ndeu, maj ndaej bizbwbwd, buhvaq de youh gvangq youh hung, vanzlij youzywdywd dem. Daxbuz dawz ma ranz, saeg le youh saeg, fong le youh fong. Siujvwnz maj ndaej byombyang, daenj hwnj buhvaq gobiuj, yawj hwnjbae lumj gaiq faexsax daep mbaw geiz vaih ndeu, gyoengq doengzhag cungj laeglemx riu de.

Cijmiz youq mwh goyizcienz hai va, Siujvwnz cij roxnyinh swheij sawqmwh baenz boux vunzfouq ndeu. Daihgya raen de cungj dwg naj riunyumj, lumjbaenz lumz de miz daxmeh ga gyad ndeu caeuq geubuh vaih gwnz ndang de lo.

Hix cijmiz youq mwh goyizcienz hai va, aen hongh Siujvwnz caemcingx haenx cij bienq ndaej nauhyied lo, ndawhongh cungj dwg gangj faengz riu angq.

Doengzhag sai doengzhag mbwk ndaw ban

Goyizcienz

榆钱树

ceng dwk daeuq yawj vayizcienz ranz Siujvwnz. Gyoengq doengzhag sai bin hwnj faex bae, song fwngz duengq ngafaex bi nungxnengh, daj nga neix duengq daengz nga de, saekseiz mbaet aeu vayizcienz oet haeuj bak bae. Doengzhag mbwk mbaet nye va gvaengz youq gwnz gyaeuj, guh baenz gvaengzva ndeyawj, miz mbangj gip va loenq gwnz dieg, bau haeuj mbawcej bae, guh baenz daehhom.

Siujvwnz ndwn youq laj gofaex, mbouj caeuq gyoengq doengzhag sai guhcaemz, hix mbouj caeuq gyoengq doengzhag mbwk guhcaemz, cij dwg ngawzngwd yawj gyoengqde. Yawj dwk yawj dwk, mbouj rox baenzlawz lo, raemxda de couh lae okdaeuq lo. De siengi, danghnaeuz vayizcienz ciengxlwenx mbouj loenq couh ndei lo. Vayizcienz loenq le, daihgya youh dauq lumz de, dangq mbouj miz de, roxnaeuz saekseiz aeu de dangguh vahriu daeuq gangj de.

Daxbuh daj ndaw ranz byaij okdaeuq, yawjraen Siujvwnz ngawzngwd ndwn dwk, ndawsim gig nanzgvaq. De rox aen ranz neix cawzliux hawj lwg neix deng vunz riu, gijmaz hix hawj mbouj ndaej de. Siengi daengz gijneix, daxbuz couh engqgya ndiep Siujvwnz, couhcinj de miz gak cungj gak yiengh gezdenj iq.

Daxbuz dawz ok bingvayizcienz cwng ndei haenx, heuh gyoengq lwgnyez gvaqdaeuq gwn. Ndwen gonq, daxbuz couh hainduj bwh mienh caeuq youzlwgraz guh bingvayizcienz lo. Bingzseiz ndaw ranz sij mbouj ndaej gwn gijneix bw.

Siujvwnz rubrab gwn geij gaemz couh imq lo, yawj gij yiengh angqfaengz daihgya, sim de couh deng cungj muenxcuk geizheih he saek ndaej rimcangcang lo.

(Gyah Yingj)

(dozcap banjneix daj gwnzmuengx aeu)